

ADMINISTRACIÓN LOCAL

MUNICIPAL

FERROL

Igualdade

Bases reguladoras do programa Lidera 2017

BASES REGULADORAS DO PROGRAMA LIDERA 2017

Con este programa a Concellería de Mocidade do Concello de Ferrol, trata de facer un chamamento e activar o talento e habilidade das mozas e mozos do termo municipal de Ferrol.

Convócase así un certame que premia a creatividade da xuventude, a iniciativa, a capacidade de traballo e a ilusión para desenvolver creacións en distintas disciplinas contribuíndo así á promoción de ditos mozos e mozas, as súas obras e talento.

Vai destinado a toda a mocidade que reúna os requisitos establecidos nas presentes bases, establecéndose unha serie de premios para as diferentes categorías artísticas.

Os/as interesados/as en participar deberán aterse ao establecido nas seguintes Bases:

1.- MODALIDADES ARTÍSTICAS

| | |
|--|--|
| 1. CURTOMETRAXE | |
| DURACIÓN MÁXIMA | 10 minutos |
| FORMATO: vídeo estándar (cd ou dvd), en caixa ou estoxo de protección | Observacións: Os/as autores/as autorizan ao Concello para os efectos de posibles proxeccións públicas coa renuncia de calquera tipo de remuneración. |
| O tramo de idade de 14 a 21 anos, poderán presentar curtometraxes gravadas co móbil. FORMATO: dixital (.mov, .avi, .mpge ou .mp4). A temática das curtometraxes será a influencia das novas tecnoloxías nas relacións sociais-sociedade. | A duración: Mínimo: 3 minutos Máximo: 5 minutos |

| | |
|---|--|
| 2. FOTOGRAFÍA | |
| Poderá presentarse un máximo de 4 fotografías de estilo e temática libres | |
| FORMATO: Para facilitar a súa exposición deberán achegarse en soporte ríxido cunha medida que non supere os 30x40 cms. Dentro do soporte, o tamaño mínimo do papel fotográfico será de 18x24 cms. | Observacións: No caso de máis dunha fotografía deberán ser de temática común. O xurado realizará unha avaliación no seu conxunto. Non serán admitidas as fotografías que se presenten con cristal no soporte. |

| |
|--|
| 3. MÚSICA-VIDEOCLIP |
| Estilo libre Solistas ou grupos Duración máxima canción: 5 minutos Número de cancións máximo: 1 FORMATO: cd. Permítense as grabacións informáticas |

| |
|---|
| 4. RELATO CURTO-POESÍA |
| Os relatos serán de temática e técnica libre cunha extensión mínima de 2 folios e máxima de 4 en DIN_A4 por unha soa cara a dobre espazo e co tipo de letra Times New Roman, núm. 14. Os poemas de serán de temática e técnica libre cunha extensión máxima de 50 versos e no mesmo papel e tipo de letra cos relatos. |

| |
|--|
| 5. PINTURA-DEBUXO |
| De técnica e temática libre cunha dimensión das obras dun máximo de 1 metro e un mínimo de 20 cm. nun dos seus lados para o cálculo desta medida quedará excluído o marco, no suposto de non levar marco deberá achegarse montaa de xeito que permita a súa exposición |

| |
|---|
| 6. ESCULTURA-ARTES PLÁSTICAS |
| Temática e técnica libres cun máximo de 1,5 metros e 25 quilos de peso |
| 7. TEATRO-DANZA |
| Estilo libre, poderá ser a título individual ou grupos cunha duración máxima de 20 minutos. FORMATO: cd ou dvd |

| | |
|--|--|
| 8. MODA-DESEÑO DE PRODUTO | |
| Deseño de tres pezas de roupa como máximo, inéditas e orixinais poderán presentarse xa feitas ou de xeito virtual, acompañadas dunha explicación descritiva de materiais e confección. Poderán ser independentes ou en forma de colección. Os produtos desenvoltoos deberán ser inéditos e orixinais e poderán presentarse en maqueta ou de xeito virtual, cunha memoria descritiva de materiais e unha explicación gráfica. | Observacións: Non se admitirá o emprego nin a utilización de marcas comerciais nos produtos que se presenten |

2- REQUISITOS DAS PERSOAS QUE PODEN PRESENTAR PROXECTOS

Persoas con idade comprendida entre os 14 e os 30 anos cumpridos tendo en conta o prazo de presentación de solicitudes, que cumpran, cando menos un dos requisitos seguintes:

- Nadas/os en Ferrol
- Estar empadroados /as no Concello de Ferrol
- Cursar estudos nun centro educativo ou universitario de Ferrol, no curso académico actual.

Pódese participar de xeito individual ou colectivo, neste último caso cando menos o 50% dos/as integrantes do grupo deberán acreditar algún dos requisitos citados.

3.- LUGAR DE INSCRICIÓN

Os proxectos presentaranse no Rexistro Xeral do Concello de Ferrol en horario de 9:00 a 14:00 horas, de luns a venres.

4.- PRAZO DE INSCRICIÓN DE SOLICITUDES

As bases serán publicadas no BOP e na páxina web do Concello. O prazo de presentación será de 30 días naturais contados a partir do día seguinte á data de publicación da convocatoria no BOP.

5.- MODELO DE INSCRICIÓN E FORMA DE PRESENTACIÓN

O modelo de inscrición (anexo1) será proporcionado no Rexistro Xeral do Concello e na Concellería de Mocidade. Tamén poderá descargarse na páxina web do Concello de Ferrol(www.ferrol.es)

Coa solicitude achegarase a seguinte documentación:

Sobre pechado que conterá a obra. No sobre debe constar de xeito claro e lexible EXCLUSIVAMENTE O TÍTULO E MODALIDADE DA OBRA. Non poderá constar ningún outro dato que poda identificar á persoa participante. Será causa de exclusión o incumprimento deste requisito.

O sobre deberá conter:

- Fotocopia do DIN en vigor
- Acreditación do cumprimento dos requisitos esixidos nas presentes bases mediante algún dos documentos seguintes:

- Certificado empadramento no Concello de Ferrol
- Fotocopia de documento que acredite a matrícula nun centro educativo ou universitario da cidade de Ferrol
- Anexo II: Declaración responsable e aceptación das presentes Bases

- Teléfono de contacto

6.- ENVÍO DE OBRAS

As obras que se envíen por correo certificado ou por empresas de mensaxería remitiranse á oficina do Rexistro Xeral do Concello de Ferrol (Praza de Armas s/n. 15402 Ferrol) dentro dos prazos fixados.

Xunto coas obras enviarase a documentación sinalada no punto anterior.

No exterior do envío (sobre ou paquete) indicárase claramente “concurso Lidera Ferrol 2017”. A falta de documentación ou inexactitude dos datos dará lugar á non admisión ao concurso.

Queda garantido o correcto tratamento da documentación achegada e dos datos facilitados, ao abeiro da lei Orgánica 15/1999, do 13 de decembro de protección de datos de carácter persoal (LOPD),

7.- AUTORIZACIÓN DOS/AS PARTICIPANTES

Na solicitude as/os participantes autorizarán expresamente e sen contraprestación económica, que no caso de que as súas obras sexan premiadas, as imaxes destas pódense utilizar en publicacións, videos e reportaxes fotográficos relativos ao acto de entrega dos premios e na posterior exposición destas obras e, asemesmo, que se publiquen na web do Concello, en actividades referidas sempre á promoción da mocidade, cultural e artística que persegue a convocatoria do presente certame.

8.- XURADO

Estará composto por:

Presidente: Alcalde ou concelleiro/a en quen delegue

Secretaria: Xefatura do Negociado de Igualdade e Xuventude

Vogais: profesionais relacionados coas modalidades obxecto deste certame

O xurado valorará a orixinalidade, o deseño das obras, a técnica e a calidade artística.

O acordo polo que se concedan os premios de cada modalidade será motivado e corresponderá a súa adopción ao/a concelleiro/a delegado/a da Concellería de Mocidade, tendo en conta a proposta do xurado.

Algún dos premios podera declararse deserto por falta de participación, calidade das obras ou outros motivos razoados e xustificados.

O ditame do xurado será inapelable e sen prexuízo da posible impugnación dos actos ao abeiro do previsto na normativa vixente.

O xurado reservarase o dereito a resolver calquera extremo ou circunstancia que nos se contemple nestas bases, así como a interpretación das mesmas.

O ditame do xurado farase público no acto de entrega de premios que se celebrará con posterioridade ao que deberán asistir os participantes ou de ser o caso, a/as persoas que acodan na súa representación.

9.- PREMIOS

Para optar a un dos premios Lidera, téñense en conta dúas franxas de idade en cada unha das modalidades:

A) dos 14 aos 21 anos

B) e dos 22 aos 30 anos

Os premios para cada categoría serán os seguintes:

A) Primeiro premio: 600 euros

B) Segundo premio: 300 euros

C) Terceiro premio: 100 euros

Se a participación en calquera das modalidades fose dun grupo de 3 ou máis membros, os premios incrementaríanse en:

A) Primeiro premio: 200 euros

B) Segundo premio: 140 euros

C) Terceiro premio: 80 euros

A entrega de premios terá lugar nun acto público. O día e hora será comunicada aos/ás premiados/as coa suficiente antelación.

10.- CRÉDITO ORZAMENTARIO

A Concellería de Mocidade financiará esta actuación coa contía de 22.720 euros, con cargo á partida 04102 3342 48000.

11.- EXPOSICIÓN E PROMOCIÓN

O Concello de Ferrol, a través da Concellería de Mocidade, poderá realizar unha exposición das obras presentadas ao certame, ase mesmo poderase proxectar un audiovisual.

O Concello resérvase o dereito de utilización das fotografías realizadas das obras premiadas nos actos efectuados co motivo deste certame, como material informativo da Concellería de Mocidade do Concello de Ferrol.

12.- PROPIEDAD DAS OBRAS

O Concello resérvase durante un ano (contado a partir do día de entrega de premios) a utilización e o dereito de proxección e reprodución das obras.

Transcorrido este período o dereito pasará aos seus autores/as que terán un prazo de dous meses para reclamar as obras.

Se non se retiran as obras no referido prazo, perderán o dereito de recuperación das mesmas e, en consecuencia o Concello poderá dispor delas.

As obras serán retiradas polos /as aurores ou persoas autorizadas na Casa da Xuventude de Ferrol. En ningún caso serán devoltas pola Concellería de Mocidade mediante envío ao enderezo de orixe.

13.- BASES COMÚNS A TODAS AS MODALIDADES

- As obras deben ser orixinais, inéditas, de temática e técnica libres.
- Non se presentarán aquelas que xa foran premiadas noutros certames o concursos
- Non se admitirán as obras que, por representar a persoas, animais ou cousas, sexan susceptibles de ser impugnadas ou reclamados os seus dereitos de utilización por persoas e institucións que poidan acreditar a súa propiedade.
- Non se admitirá a utilización nin a aparición de marcas comerciais. As marcas de ser o caso, deberán ser ficticias.
- As/os autores seran os únicos/as responsables ante calquera incidencia que polos motivos sinalados se poidan producir.
- O xurado non se responsabiliza das obras entregadas en cd ou dvd que non poidan ser valoradas porque estes veñan danados.
- As obras non poderán levar sinatura da/o autor/a de xeito visible. As obras que non cumpran este requisito quedarán fóra do concurso
- O lugar de entrega será o Rexistro Xeral do Concello de Ferrol
- Ante calquera dúbida sobre o contido das presentes Bases poderán chamar aos telefonos 981944250 e 981944000 extension 682

A organización poñerá o máximo interese no coidado das obras recibidas, pero declinará expresamente toda responsabilidade derivada de accidentes imprevisibles: furto, incendio ou outra causa de forza maior.

Ferrol, 30 de outubro de 2017

A concelleira delegada de Mocidade, Benestar Social, Igualdade Muller

Saínza Ruíz Ferreño

ANEXO I

SOLICITUDE DE INSCRIPCIÓN PARA PARTICIPAR NO PROGRAMA “LIDERA 2017” FINANCIADO POLA CONCELLERÍA DE XUVENTUDE DO CONCELLO DE FERROL

| | |
|---------------|--|
| Don/dona | |
| NIF | |
| Enderezo | |
| Localidade | |
| Código postal | |
| Teléfono | |
| e-mail | |

EXPÓN: que reúno, polo menos, un dos requisitos esixidos para poder participar neste programa (sinalar cunha x os requisitos que se cumpran):

| | |
|--------------------------|---|
| <input type="checkbox"/> | Nado/a en Ferrol |
| <input type="checkbox"/> | Estar empadroadado/a no Concello de Ferrol |
| <input type="checkbox"/> | Cursar estudos nun centro educativo ou universitario de Ferrol no curso académico 2017/2018 |

Modalidade na que participa:

Título da Obra:

Ferrol,
O/A solicitante,
Sinatura

SR. ALCALDE-PRESIDENTE DO EXCMO. CONCELLO DE FERROL

ANEXO II**DECLARACIÓN RESPONSABLE:**

Don/dona.....

Con DNI.....

DECLARO

1. Que acepta as bases da convocatoria na súa totalidade e que cumpre os requisitos esixidos nas mesmas
2. Que se encontra ao día no cumprimento das súas obrigas tributarias e coa Seguridade Social e non ten pendente de pagamento ningunha débeda coa Administración municipal
3. Que non está incurso/a en ningunha das prohibicións para obter a condición de beneficiario/a de subvencións públicas recollidas nos artigos 13 da Lei 38/2003, de 17 de novembro, xeral de subvencións e 10 da Lei 9/2007, do 13 de xuño, de Subvencións de Galicia

Ferrol,

O/A interesado/a

2017/9416